

فيديو # ٥٨٥ من مقاطع حظر التجول تدبر سورة التحرير # ١

الآيات ٢-١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم خمسة وثمانين من مقاطع حظر التجول. والحلقة الاولى من حلقات تدبر سورة التحرير ارجو من حضراتكم تجبيوا المصاحف. وافتح معى سورة التحرير اللي هي بعد على طول سورة الطلاق - 00:00:03

اه اظن الصورة رقم خمسة وستين في المصحف المفروض تكون في ترتيب المصحف سورة التحرير صورة مدنية آآ تتتألف من انتشار آية نزلت في اخر تلات سنوات من الفترة المدنية - 00:00:29

تسمى سورة التحرير وورد ان من اسمائها سورة النبي آآ وورد الاسم ده فيه بعض التفاسير اللي اورده هو الزمخشري في تفسير الكشاف وعلى فكرة ده من افضل التفاسير يعني آآ اذا ازيلت منه الاعتزاليات فيكون تفسير كويس خاصه ان هو تفسير لغوي بيهم باللغة - 00:00:46

واورد انها اسمها سورة النبي لكن لم يذكر دليل على ذلك ورد ايضا ان اسمها سورة لما تحرم وورد ايضا اسم لطيف قوي سورة اللي ما تحرم. يعني حطوا الف لام قبل لما تحرم. فشددوا اللام. سورة اللي ما تحرم - 00:01:13

دي وردت عن الصحابة على فكرة لما تحرم وقال لما تحرم دول اسمين وردوا عن الصحابة بتبدأ الصورة ببعض الاحاديث التي حدثت في بيت النبوة ويتبدأ بعتاب رقيق للنبي عليه الصلاة والسلام على اجتهاده في معالجة مشكلة معينة حصلت في البيت - 00:01:33 جه على نفسه آآ بزيادة فيه عتاب رقيق للرسول عليه الصلاة والسلام هنشوفه دلوقتي المفروض ان احنا لما نقرأ الاحاديث اللي حصلت في بيت النبي صلى الله عليه وسلم بينه وبين ازواجه - 00:01:53

ما ناخدهاش على انها قصة لا تخضنا بل لازم نستفيد منها ونأخذ منها العبرة والعظة فتعالوا نبدأ السورة. اعوذ بالله السميع العليم من الشيطان الرجيم باسم الله الرحمن الرحيم يا ايها النبي لما تحرم ما احل الله لك - 00:02:07

فبتغي مرضات ازواجه. والله غفور رحيم بتبدأ بعتاب رقيق للنبي عليه الصلاة والسلام على انه حرم على نفسه شيء ربنا احله له لكن الملاحظ انه ناداه يا ايها النبي العجيب ان الله سبحانه وتعالى لم ينادي النبي باسمه ابدا - 00:02:39

مع انه يعني نادى انبياء اخرين باسمهم يعني هنجد مسلا اه ويا ادم اسكن انت وزوجك الجنة هنجد آآ قيل يا نوح اهبط بسلام منا وبركات عليك وعلى امم من معك - 00:03:12

هنجد مسلا وناديناه ايا ابراهيم قد صدق الرؤيا نجد ان ربنا بينادي الانبياء باسمائهم نجد مسلا فلما اتها نودي يا موسى اني انا ربك فاخلي نعليك انك بالوادي المقدس طوى - 00:03:33

هنجد مثلا اذ قال الله يا عيسى اني متوفيك ورافعك الي ومطهرك هنجد مسلا يا زكريا انا نبشرك بغلام اسمه يحيى هنجد يا يحيى خذ الكتاب بقوه لكن ما نجدش يا محمد ابدا - 00:03:53

مع ان الله سبحانه وتعالى آذكر اسم محمد عدة مرات قال مسلا وما محمد الا رسول قد خلت من قبله الرسل. وقال ما كان محمد ابا احد من رجالكم - 00:04:14

وقال اه والذين امنوا وعملوا الصالحات وامنوا بما نزل على محمد وقال محمد رسول الله والذين معه اشداء على الكفار رحمة

بينهم. لكن ده مش نداء لما ينادي بيناديه بيا ايها النبي - 00:04:31

مسلا في سورة الاحزاب يا ايها النبي اتق الله ولا تطع الكافرين والمنافقين تجد مسلا او يا ايها الرسول يعني يا ايها النبي ازن جت تلتasher مرة يا ايها الرسول جت مرتين يا ايها الرسول بلغ ما انزل اليك من - 00:04:52

ربك وان لم تفعل فما بلغت رسالته. والله يعصمك من الناس وهنا في الاية الاولى من سورة التحرير يا ايها النبي لما تحرم ما احل الله لك تبتغي مرضاه ازواجهك - 00:05:11

ليه بقى ان احنا نقدر نفكروا وایه المشكلة لما ربنا يذكره باسمه؟ يعني ما هو ربنا زكر اسمه الحقيقة لما نظرت في السياقات السياق بتاع كل مرة ربنا نادي النبي فيها - 00:05:29

ووجدت ان ربنا لما ينادي النبي في معزم الوقت اما بيا أمره باوامر او بممكنا عتاب خفيف او الواحد لما يكون عنده موزف شاطر وبيعلمه فيبضطر مسلا يكلمه بقوه شوية او كده - 00:05:46

يبقى ممكن مسلا الموزف ده غلط غلطة صغيرة فيناديده كده بلقبه عشان يؤكد له ان رغم العتاب ورغم الامر الواضح اللي بيديه لك ان هو بيحبه وبيثق فيه وفخور بمستواه الرائع في الشغل. فانت مسلا لو مدير مستشفى وعندك دكتور - 00:06:05

شاطر جدا وايديه تتلف في حرير وعاوز توجه له عتاب في مسألة صغيرة يعني مسلا انه بيরكن سيارته في مكان غلط مسلا في الباركينج ومش عاوز سقته تتهز في نفسه او يظن ان انت غاضب منه فتنداديه تقول له ايه يا دكتور اركن سيارتك في الجراج - 00:06:25

انت لما بتقول له يا دكتور يا عم بتقول له انا مؤمن بك كدكتور ما لوش معنى يعني ما لهاش دعوة بقى ان انا بعاتبك دلوقتني او باوجه لك اوامر قوية. لكن ربنا لما ينادي النبي بوزيفته كونهنبي - 00:06:45

وكونوا رسول يا ايها النبي يا ايها الرسول فيها نوع من التعزيز الايجابي يعني انا بعاتبك بس بحبك واثق فيك وعاجبني شغلك اقرأ بقى معى الاية واحد من سورة التحرير. وشوف العتاب بيقول ايه - 00:07:00

يا ايها النبي لما تحرم ما احل الله لك تبتغي مرضاه ازواجهك والله غفور رحيم اللي حصل هو انه نساء النبي عليه الصلوة والسلام هن امهات المؤمنين وحبيهم واحترامهم لازم بيقى في قلوبنا جميعا - 00:07:17

اه لكن ربنا اختارهم من جميع الخلفيات. عشان نشوف كل حاجة بتحصل في بيت النبوة فكم منهم الشابة كعائشة وكبيرة السن كسودة بنت زرعة. سودا كانت في سن السيدة خديجة. يعني عايز اقول لكم ان سودا - 00:07:39

متجوزة تقربيا سنها اقل من سبعين سنة وفضلت معه الفترة بتاعة المدينة يعني وصل سنها لفوق التمانين سنة وكملو من الجميلات شكلها هم كلهم جميلات طبعا شخصية لكن منهم الجميلات جدا شكل ومنهم قليلات الجمال - 00:07:53

فمنهم العربيات وكان منهم منبني اسرائيل السيدة صفية بنت حبي بن اخطب اللي كان كبيربني النضير كان منهم قويات الشخصية جدا كعائشة ومنهم اللي دمعتها على قريبة وبتبكي من اقل حاجة زي صفية - 00:08:09

كان منهم فقيهات زي السيدة السيدة عائشة تعتبر من الطبقة الاولى من فقهاء الصحابة يعني في صحابة يعني في ازن ابن عباس ولا مين اللي كان بيقول ان كل ما نتناقش في امر الصحابة ويترنقو في موضوع عايزين فتوى به يروحوا يسألوا عائشة يلاقوا عندها الرد - 00:08:29

السيدة عائشة تعتبر من الطبقة الاولى في فقهاء الصحابة اه وكان في منهم الاممية زي السيدة حافظة والنبي جاب لها معلمة تديها دروس خصوصية في البيت قراءة وكتابة فوضع طبيعي ان - 00:08:49

انه يكونوا من خلفيات مختلفة عشان احنا نتعلم. ونجد التجارب كلها موجودة جوة بيت النبوة يعني وضع طبيعي ان يكون طبعا فيه غيرة بين الضرائر. زوجات النبي صلى الله عليه وسلم - 00:09:04

كان في بعض التحزبات كده السيدة عائشة هي اللي بتزوي ان هي صاحبة الفكرة دي اللي حصل ان الرسول عليه الصلوة والسلام آا اتأخر شوية عند السيدة زينب بنت جحش - 00:09:19

مین ثارت الغيرة عنده هي والسيدة حافظة؟ اتفقت مع حفصة وهي صاحبة الفكرة وهي قالت هي اعترفت يعني ان لما النبي يرجع من عند زينب بنت جحش وهي دايما بتشربه عسل. وهو بيحب قوي المشروب ده - 00:09:33

عشان تبقو عارفين لما نقول بتشربوا عسل النبي ما كانش بيأخذ العسل النحل بتاعنا ده كده لأن. كان بيخففه بماية ويبقى زي العصير. بيبقى طعمه حلو قوي الفكرة وتجربوه بالطريقة دي جميل جدا. فالنبي كان يخففه بماية وبيشربه كده - 00:09:49

هي كانت بتعد له ويروح ويشرب عندها العسل طول شوية في القعدة فقالت لأنما يرجع من عند زينب قولي له ايه ده انت واكل ايه؟ ريحه نفسك كده عاملة كده ليه؟ انت واكل بصل ولا ايه؟ هل اكلت مغافير؟ المغافير نوع من البقل البقل - 00:10:04

حاجة كده زي الايه بقول حاجة زي حاجة بتتززع كده وبتعمل ريحه زي ريحه نفاذة زي ريحه البصل لما رجع السيدة حفصة عملت كده معه. قالت له انت واكل ايه؟ واكل من الغفير؟ قال لها لأن - 00:10:23

انشد عسل بيبقى اكيد النحله اه اه رعت على الايه؟ الوردة بتاعة النبات ده اللي بيعمل ريحه وحشة. عشان انتم عارفين العسل فيه عسل موالح ده احلى نوع اللي هو بيبقى النحله بتاكل الرحيق بتاع الزهر بتاع شجر البرتقان واليوسفendi - 00:10:38

جميل جدا. فيه عسل برسيم ده معزز الموجود في السوق برضه جميل لكن ريحته مختلفة. فالعسل ريحته بتتغير على حسب الزهرة اللي اكلت منها. فانتم غالبا بقى النحله دي راعية على على على نبات مش ريحته وحشة يعني - 00:11:04

النبي اكتر حاجة يكرها ان يكون ريحه بقه وحشة. دايما يراعي جدا السواك وان يكون ريحه بقه حلوة والكلام ده كله. عشان يراعي زوجاته. كمان راح عند السيدة عائشة قالت له نفس الكلام - 00:11:20

تأكد عنده ان يزهربقى الحاجة اللي بيسريها عند زينب بنت جحش. بتعمل ريحه وحشة في الفهم ريحه كريهة في الفم. لا ف قال لك ايه؟ اقسم انه ما يشربش مسال تاني - 00:11:33

طالما بيسرب له رائحة كريهة في فمه ده يورينا حرص النبي عليه الصلاة والسلام على مشاعر زوجاته ثانيا النبي كان يقبل زوجاته سئلت السيدة عائشة بما كان يبدأ به النبي عند دخوله البيت فقالت كان يبدأ بالسواك - 00:11:46

فكرة معندها كده واحد راجع بيته اخر النهار اول حاجة يعملها يغسل سنانه ليه يتسوق لي وقال العلماء لعلها كانت تريد ان تقول كان يبدأ بتقبيلها يعني اول حاجة السواك لانه اول حاجة بيعملها ببوس زوجته - 00:12:06

داخل البيت ادي انت داخل البيت. بوس مراتك مش زوبعة داخل على المطبخ عاملين ايه النهاردة؟ انا واقع من الجوع. الاكل يكون جاهز خلال دقيقة. وفيه مسؤوليني النبي بيببدأ بالراحة كده ويقبل زوجته ومش عارف ايه. وبعدين لما جا له من كذا مصدر ان ريحه نفسه كريهة - 00:12:23

وظن ان نتيجة شرب العسل حصل الرائحة دي عنده منع نفسه يعني حرم على نفسه ده اقسم انه ما يشربواش تاني. خلاص اصبح كده هو بيحربه على نفسه عشان يرضي زوجاته - 00:12:41

هو ما كانش عارف ان كان فيه مؤامرة بين زوجتين ويقال انهم كانوا اكتر. يعني في روایات اشرکت معهم السيدة سودة والسيدة صفية بنت حبی بالخطب وانا انا بصراحة ما اظنن لان آآ وهي روایات ضعيفة. لكن سوداء كبيرة على الكلام ده. سودا في الوقت ده كان خلاص سنه فوق التمانين - 00:12:55

خلاص كبيرة على الكلام ده. وصوفية كانت حساسة جدا وما لهاش في الهزار ده خالص لكن بصوا بقى بنت ابي بكر وبنت عمر ابن الخطاب دول اقرب ناس للنبي. عليه الصلاة والسلام - 00:13:18

عندهم جرأة اكبر شوية انهم يعملوا ايه؟ يعني خطة كده ينكدوا بها على ضرتهم زينب بنت جحش. وزينب معهم هي قرشية برضه. فزينب برضو يعني انتم عارفين ما كتنش يعني سهلة معهم يعني. وها حكى لكم حكايات دلوقتي عليها يعني - 00:13:30

المرة الجاية هتعمل المشروب اللي بيحبه زوجها وتروح تقدمه له لأن خلاص انا انا بطلت اشربه هتتنك هتتضايق يا ايه النبي لما تحرم ما احل الله لك؟ بتتغي مرضا ازواجه - 00:13:46

طيب هو فيه مشكلة ان الزوج بيتغي مرضا ازواجه؟ لأنما فيش مشكلة وما فيش مشكلة كمان عشان تبقو عارفين ان الانسان

يحرم على نفسه بعض الحال. يعني مسلا ده حرم على نفسه يأكل لحمة. وهمبورجر الخوا حر - 00:14:03

لكن النبي عليه الصلاة والسلام مشرع والخطاب يا ايها النبي في اشارة انت نبي انت اسوة انت مشرع افعالك محسوبة على الدين وعلى شرع ما كانش لازم تحرم على نفسك ما احل الله لك. علشان ترضي زوجاتك - 00:14:18

كنت ترضيهم بطريقه تانية ، لكن تحلف انك ما تشرب عسل تاني ابدا العسل مهم ده العسل مذكور في القرآن فلأ فممك الناس تتأسى بيك في هذا وده مش كوييس. العسل مفيدي العسل الصحي احنا عايزين الناس تشرب عسل - 00:14:38

و عموما الموضوع مش كبير. وفيه مخرج منه كمل بقى معى والله غفور رحيم قد فرض الله لكم تحلاة ايمانكم والله مولاكم وهو العليم الحكيم يعني ربنا شرع للمسلمين التكفير عن اليمين اذا الواحد اقسم ثم وجد الافضل انه يفعل ما اقسم انه ما يعملاش - 00:14:53

يعني ايه ممكن ترجع في قسمك لو وجدت خير من اللي انت اقسمت انك تعامله المهم انك ما تحلفش وانت نيتك ما تؤفيش بوعدك. ده بقى يمين غموس او تحلف كزب. ده يمين غموس. لكن انت - 00:15:23

كابتن لما ابنك يرجع هتعاقبه بحاجة معينة. هتعاقبه عقاب شديد. وبعدين فكرت تانية ان من الحكمه انك ما تعملش كده الحكمه ان المرة دي نعديها ونتكلم مع الولد بالراحة طب طالما لقيت شيء افضل واكثر حكمة ما تقولش بس انا بقى لازم اعاقبه بصرامة ولازم ادي له علقة لاني خلاص اقسمت لا - 00:15:42

لأ القسم ده ما بيلازمكش. فيه حاجة اسمها تحلاة اليمان يعني ممكن ترجع في قسمك ده لو وجدت ما هو خير منه وفيه كفارة خلاص؟ ايه بقى الكفارة دية الاول هناك عندنا نص بييجيز اللي هو آآ آ ان الانسان يرجع في قسمه. قال رسول الله صلى الله عليه وسلم من - 00:16:03

خلف على يمين غيرها خيرا منها من حلف على يمين فرأى غيرها خيرا منها. فليأت الذي هو خير وليكفر عن يمينه صفاره اليمين في سورة المائدة اول حاجة يا اما اطعام عشر مساكين يا اما كسوتهم - 00:16:29

يا تلبسهم جيب لكل واحد اه ملابس يا اما تأكلهم او تحرير رقبة حرر عبد او مأمة مش لافي لا ما تقدرش على ده ولا على ده صيام ثلاثة ايام - 00:16:52

ده للبي ما يقدرش على المصارييف الاطعام والكسوة او تحرير العبد تمام ادي الاية في سورة المائدة. لا يؤاخذكم الله باللغو في ايمانكم. ولكن يؤاخذكم بما عقدتم ايمان فكفارته اطعام عشرة مساكين من اوسط ما تطعمون اهليكم. والله ايه افضل حاجة بتأكلها الاوسط؟ يعني - 00:17:10

ايه اكتر حاجة بتقابل اكلة بتأكلها لاهلك وبيحبوها ؟ جمبري! بيقى تروح تأكلهم جمبري مش انت اهلك طول النهار بيأكلوا جمبري وتروح تطعم المساكين آآ آ بتنجان مقلبي او كسوتهم - 00:17:35

نجيب لهم لبس بالمستوى اللي بتجيبيه لاهلك خلي بالك ما هو الكفارة لازم توجع او تحرير رقبة تروح ما عندكش يا عبد انزل اشتري عبد واعتقه فورا كفارة يمين فمن لم يجد فصيام ثلاثة ايام. ذلك كفارة ايمانكم اذا حلفتم. اقرا بقى معى الاية اتنين تاني - 00:17:51

اقرا بقى معى الاية اتنين تاني. قد فرض الله لكم تحلاة ايمانكم. يعني عندك مخرج وممكن تكفر عن يمينك ومش لازم اه يعني وما تمنتش عن شرب العسل والله مولاكم وهو العليم الحكيم - 00:18:15

فده معناه ان ربنا امره انه يتحلل من يمينه ولا يحرم على نفسه شيء ربنا احله له طبعا انا مش عاوزكم مش عاوز حد يشيل في قلبه بقى من السيدة عائشة والسيدة حافزة لان واضح انه بتاع المقالب والهزار ده - 00:18:32

كان موجود بين زوجات النبي القرشيات يعني خاصة كانوا واخدين على بعض قوي. يعني السيدة زينب بنت جحش دي بنت عممة النبي عليه الصلاة والسلام. يعني امها اميمة بنت عبدالمطلب - 00:18:49

وعائشة بنت ابو بكر وحفصة بنت عمر. فكانوا عارفين بعض ومتربين مع بعض وكلهم من نفس القبيلة وجايين مع بعض فايه

هزارهم كان تقليل شوية مع بعض وكانوا متعددين على كده. ازاي احنا نقول كالسيدة زينب اللي عملوا فيها كده هي كانت بتعايرهم وتقول لهم ربنا زود كل واحدة منكم مرة واحدة. وانا - [00:19:04](#)

زوجني مرتين يعني ايه هي تزوجت زيد ابن حارثة بوجي بالامر من الله وطلقها ثم تزوجها النبي بوجي ايضا بامر من الله. في سورة الاحزاب الاية ما كان مؤمن ولا مؤمنة اذا قضى الله ورسوله امرا ان يكون لهم الخيرة من امرهم - [00:19:25](#)

عشان الموقف ده لأن يعني تعجبت لا لاتتجوز ليه واحد كان يعني ده كان عبد وهي يعني يعني منبني هاشم من بيت عريق وبتاع لا لا ما فيش الكلام ده - [00:19:53](#)

خلاص رينا قضى النداء هو عبد صادق هيتجوز واحدة من بيت منبني هاشم اه ايه المشكلة اسلام نازل بيعتبر بيفير طريقة تفكير كاملة. فالاية دي نزلت ربنا هو اللي جوزها لزيد - [00:20:05](#)

وبعدين فلما قضى زيد منها وترأ زوجناها. ربنا اللي جوزها لسيدنا محمد. فيبقى ربنا جوزها مرتين. بينما كل واحدة منهم ربنا زوجها مرة واحدة لأن كل واحدة منهم تزوجها النبي صلى الله عليه وسلم بوجي - [00:20:24](#)

الوحيدة التي لم يتزوجها بوجي خديجة تزوج قبل الوحي قبل الاسلام بالتالي يا جماعة بيت النبوة لم يكن بيبيا من الملائكة التي تسبح ليل نهار. لكن في مناوشات يعني لو زوج وزوجة - [00:20:43](#)

عندهم مشاكل وعندهم قد كده في البيت لهم لما يكون زوج وتسع زوجات اكيد يعني كان في مشاكل. ما كانش كتير على فكرة كانت قليلة لكن احنا المشاكل دي احنا بنطلع عليها عشان نتعلم من اسلوب النبي عليه الصلاة والسلام في علاج المشاكل الحياتية اليومية. ازاي - [00:21:03](#)

الراجل لازم يكبر مخه ويتجاهلي عن اشياء وما يدققش في كل حاجة السيدة عائشة رضي الله عنها قالت اقول لكم على حاجة بوصوا ده حديث غريب جدا اتيت النبي بخزيرة - [00:21:25](#)

قد طبختها عملت اكلة وكانت السيدة سودة موجودة فقلت لسودة والنبي يعني وبينها كلي فابت فقلت لتأكلن او لاطبخن وجهك السيدة عائشة انا مش عارف ايه الحكاية بس ده تاني تاني موقف حد ما يرضاش يأكل. من حاجة هي عاملها. ما رضيتش سودا تأكل - [00:21:41](#)

قالت لها لو ما كليتش انا هلطخ وشك بالدمعة بتاعة اللحمة دي ما ابت برضو ما رضيتش فوضعت يدي في الخزيرة الایه في الدمعة فطليت وجهها بالدمعة فضحك النبي فوضع يده لها. اخد دمعة باليده وحط لها في ايدها. وقال لها الطخي وجهها - [00:22:08](#)

فعملت كده فضحك النبي لها ايه الحكمة دي ؟ ولا خناقة ولا مشاكل ولا حاجة امهات المؤمنين دول امهاتنا. يجب اتنا نحبهم كلهم زي ما بنحب امهاتنا واكتر دول مين اللي رياهم الله سبحانه وتعالى - [00:22:32](#)

رباهم في بيت النبوة تربية قرآنية في سورة الاحزاب ربنا بيقول يا ايها النبي قل لازواجك ان كنتن تردن الحياة الدنيا وزينتها فتعالين لين امتعكن واسرحكن سراحًا جميلا وان كنتن تردن الله ورسوله - [00:22:53](#)

والدار الاخرة فان الله اعد للمحسنات منكم اجرا عظيما لأبس سانية واحدة ده المسلم العادي يجوز له انه يحب متع الحياة الدنيا وزينتها المهم ما يكونش حبهم اكتر من حب الله ورسوله. ويبقى فيه ايات في هزا الكلام يعني. انما لأ بالنسبة لامهات المؤمنين لأ مجرد ان - [00:23:21](#)

ام المؤمنين زوجة النبي تريده بس مجرد ارادة الدنيا وزينتها ممنوع اللي عاوزة الدنيا فيكم تقول تطلق وتروح بقى تستمتع بالدنيا. لكن كان هناك تربية شديدة جدا لهم عشان بعدها أصبحوا معلمات الامة - [00:23:44](#)

اقول لكم على حاجة. عقوبة ام المؤمنين في الشرع مضاعفة واجرها ايضا مضاعف عند الله. يعني في سورة الاحزاب ربنا بيقول يا نساء النبي من يأتي منكم بفاحشة مبينة يضاف - [00:24:05](#)

عف لها العذاب ضعفين. وكان ذلك على الله يسيروا القمة والعبد بيأخذوا نصف العقوبة بتاعة الحر والحرارة ازا اخطأوا ليه ؟ لأن مسئوليتهم ناقصة فلو مسلا حد قزف المحسنات. لو ورجل او امرأة احرار قذفوا محسنة - [00:24:21](#)

اتكلموا في عرض امرأة بطريقة وحشة عقوبتها الجلد تمانين جلدة لكن لو عبد اومة اللي عمل كده بيجلد اربعين جلدة فقط. ليه؟

عشان مش مسئول مسئولية كاملة. مسؤوليته ناقصة ناقص الاهلية - 00:24:47

اا انه مسلوب الحرية لو ام مؤمنين لو زوجة من زوجات النبي قذفت ممحونة تحد مية وستين جلدة. ليه؟ لأن مسؤوليتها مضاعفة مسؤوليتها اكبر من مسؤولية الحرية كذلك ربنا في الاجر بيديها الضعف ايضا. ربنا بيقول في سورة الاحزاب ايضا. ومن يقنط منكن لله ورسوله وتعمل صالحها نؤتها - 00:25:07

اا جرها مرتين واعتدنا لها رزقا كريما المهم هو اننا لما نقرأ ان واحدة منهم غلطت او لسته هتشوف بقى كمان يعني الدرس الجاي يعني بتاع بكرة واحدة فيهم افشت سر رسول الله صلى الله عليه وسلم - 00:25:34

ما نحملش عليهم في انفسنا ابدا. بالعكس اخطأتهم ربنا قدر انها تقع عشان يعملوها عشان احنا نتعلم من رجوعهم وتوبيتهم وندمهم واستغفارهم ومن طريقة تعامل النبي صلى الله عليه وسلم مع اخطاء زوجاته بمنتهي الحكمة - 00:25:50

ما حدش فينا يحمل على ام المؤمنين لا يجوز لكن في النهاية كلنا مؤمنين بانهن الطاهرات المطهرات اللي ربنا طهرهن في سورة الاحزاب ربنا قال عليهم ايه انما يريد الله ليذهب عنكم الرجس اهل البيت ويطهركم تطهيرًا. اهل البيت هم نساء - 00:26:09
النبي وطبعا بنت النبي وزوج بنت النبي وعم النبي وابن عم اكيد. لكن نساء النبي اول ناس. اول ناس في اهل البيت خلاص فده مهم جدا لانه حلقة بكرة حلقة خاصة جدا هيكون فيها قصة افشاء السر وطلاق يعني قصة فيها - 00:26:34

فيها شوية افعالات اسأل الله ان نكون ممن يستمعون القول فيتبعون احسنه. ونتوقف هنا الليلة. اللهم انا نسألك حبك رب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب. وما زويت عنا مما نحب. فاجعله فراغا لنا فيما تحب. اللهم - 00:26:57

اجعل حبك احب اليها من اهلينا واموالنا ومن الماء البارد على الظمة. اللهم حببنا اليك والى ملائكتك اولئك ورسلك وعبادك الصالحين. واجعلنا من يحبك ويحب ملائكتك وانبيائك ورسلك وعبادك الصالحين. اللهم - 00:27:21

احبب قلوبنا بحبك. واجعلنا لك كما تحب. اللهم اجعلنا نحبك بكل قلوبنا. ونرضيك بكل اجسادنا اللهم اجعل حبنا كله لك وسعينا كله في مرضاتك اللهم اجعل القرآن الكريم رابع قلوبنا ونور صدورنا وجلاء احزاننا وذهاب همومنا وغمومنا ومغفرة ذنبنا - 00:27:41
اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف - 00:28:07

في كتابك تلونه او تدبرناه. اكفنا واهلينا واخواننا شر كل من يكيد لنا ولهما واحفظنا واياهم من شرورهم ونجعلك اللهم في نحورهم فانت الوكيل ولا حول ولا قوة الا بك. اللهم - 00:28:25

بحق كل حرف في كتابك تلونه او تدبرناه. ايد بنصرك المرابطين في الارض المباركة فلسطين. وكن مع اخواننا في تاني وفي الشام وفي كشمير وفي الهند وانصر من نصرهم. واخذل كل من خذلهم وطهر المسجد الاقصى من الدنس فانهم لا يعجزونك - 00:28:46
الله من قضى منا بالوباء المنتشر فاكتبه لها شهادة. ومن كان منا او من احبابنا او من اخواننا او من اخواتنا او من مشايخنا او من مريضا به او حاملا له فالبسم ثوب الصحة والعافية عاجلا غير اجل. ومن لم يوصب به فقه شره. وابعده عنه ولا تسلطه الا - 00:29:06

على اعدائك واعداء دينك واعداء اولائك اللهم انك تعلم ان هذه القلوب قد اجتمعت على كتابك وعلى محبتك. والتفت يا ربنا على طاعتك وتوحدت على دعوتك وتعاهدت على نصرة شريعتك - 00:29:26

فوتق اللهم رابطتها. وادم ودها واهدها سبلها. واملأها بنورك الذي لا يخبو. واشرح صدورها بفيض الایمان بك وجميعه للتوكل عليك واحببها يا ربنا بمعرفتك يا مولانا على الشهادة في سبيلك - 00:29:44

انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - 00:30:03